

Na osnovu člana IV. 4a) Ustava Bosne i Hercegovine, Parlamentarna skupština Bosne i Hercegovine, na 76. sjednici Predstavničkog doma, održanoj 23. marta 2006. godine, i na 55. sjednici Doma naroda, održanoj 27. marta 2006. godine, usvojila je

## ZAKON

### O IZMJENAMA I DOPUNAMA IZBORNOG ZAKONA BOSNE I HERCEGOVINE

#### POGLAVLJE 1. OSNOVNE ODREDBE

##### Član 1.

U Izbornom zakonu Bosne i Hercegovine ("Službeni glasnik BiH", br. 23/01, 7/2, 9/02, 20/02, 25/02, 4/04, 20/04, 25/05, 52/05 i 77/05) iza člana 1.1 dodaje se član 1.1a koji glasi:

##### "Član 1.1a

Pojedini izrazi korišteni u ovom zakonu znače:

- 1) "Politički subjekt" podrazumijeva političku stranku, nezavisnog kandidata, koaliciju ili listu nezavisnih kandidata, ovjerenu za učešće na izborima u skladu s ovim zakonom.
- 2) "Izborna jedinica" podrazumijeva:
  - a) osnovnu izbornu jedinicu koja podrazumijeva općinu, grad Banju Luku, Brčko Distrikt BiH, gradsku izbornu jedinicu Grada Mostara i izborne jedinice gradskog područja Grada Mostara u kojoj se bira i konstituira ukupan broj predstavnika za određeni nivo vlasti i koje unutar sebe nemaju višečlane izborne jedinice,
  - b) kantonalnu izbornu jedinicu u kojoj se bira i konstituira ukupan broj predstavnika za određeni nivo vlasti i koje unutar sebe nemaju višečlane izborne jedinice,
  - c) entitetsku izbornu jedinicu u kojoj se bira i konstituira entitetski nivo vlasti, koje unutar sebe imaju višečlane izborne jedinice i
  - d) entitetsku izbornu jedinicu u kojoj se bira državni nivo vlasti.
- 3) "Višečlana izborna jedinica" podrazumijeva izbornu jedinicu u kojoj se bira više od jednog a manje od ukupnog broja predstavnika za određeni nivo vlasti.
- 4) "Izborni ciklus" podrazumijeva mandatni period koji se odnosi na određeni nivo vlasti.
- 5) "Izborni prag" podrazumijeva određen procenat osvojenih glasova (važećih glasačkih listića) koji mora osvojiti politički subjekt da bi stekao pravo učešća u raspodjeli mandata.
- 6) "Izborna kampanja" podrazumijeva period utvrđen ovim zakonom u kojem politički subjekt na zakonom utvrđen način upoznaje birače i javnost sa svojim programom i kandidatima za predstojeće izbore.
- 7) "Kompenzacijski mandati" podrazumijevaju mandate koji se raspodjeljuju na liste političkih stranaka ili koalicija prema broju dobivenih važećih glasova i služe da kompenziraju nedovoljnu proporcionalnost na nivou entiteta, a koja nastaje sabiranjem rezultata za pojedine višečlane izborne jedinice u entitetu."

##### Član 2.

U članu 1.2 u stavu 2. riječi "Izborne komisije Bosne i Hercegovine (u daljnjem tekstu: Izborna komisija BiH)" zamjenjuju se riječima: "Centralna izborna komisija Bosne i Hercegovine (u daljnjem tekstu: Centralna izborna komisija BiH)"

U članu 1.2 u stavu 3. riječi "članu 2.19. stav 3." zamjenjuju se riječima: "članu 2.19 stav 11. i 12.".

### Član 3.

U članu 1.2a u stavu 1. iza broja "2.9" dodaju se riječi: "*i člana 2.19 stav 12.*"

U članu 1.2a u stavu 3. riječi "i članu 2.19 stav 3." zamjenjuju se riječima: "*i članu 2.19 stav 11.*"

U istom članu iza stava 4. dodaje se novi stav 5. koji glasi:

*"Sredstvima za provođenje izbora raspolaže izborna komisija iz stava 1., 2., 3. i 4. ovog člana, koja je ovlaštena da odredi način korištenja sredstava i provodi nadzor nad njihovom raspodjelom i korištenjem".*

### Član 4.

Iza člana 1.2a dodaje se novi član 1.2b koji glasi:

#### *"Član 1.2b*

*Kada načelniku općine, odnosno gradonačelniku, koji je neposredno izabran, prestane mandat u skladu sa zakonom, sredstva za provođenje novih izbora osigurat će se u budžetu općine, odnosno grada za koje se provodi izbor za načelnika općine, odnosno za gradonačelnika".*

### Član 5.

Iza člana 1.3 dodaje se novi član 1.3a koji glasi:

#### *"Član 1.3a*

*Članovi predstavničkih tijela izabrani u skladu s ovim zakonom, osim u slučajevima utvrđenim članom 1.10 ovog zakona, ne mogu se opozvati, a prava i dužnosti počinju im danom konstituiranja predstavničkih tijela.*

*Mandat članova predstavničkih tijela izabranih na redovnim izborima traje četiri godine i teče od dana konstituiranja predstavničkog tijela.*

### Član 6.

U članu 1.4 u stavu 1. riječ "izabran" zamjenjuje se riječju "*biran*".

U istom članu u stavu 2. riječi: "registriran kao birač" zamjenjuju se riječima: "*upisan u Centralni birački spisak*".

U istom članu stav 3. briše se.

### Član 7.

U članu 1.5 stavovi 1. i 2. mijenjaju se i glase:

*"Državljeni Bosne i Hercegovine, koji imaju biračko pravo u skladu s ovim zakonom, imaju pravo da glasaju lično u općini u kojoj imaju prebivalište.*

*Državljanin Bosne i Hercegovine, koji privremeno živi u inozemstvu i ima biračko pravo, ima pravo glasati lično ili poštom za općinu u kojoj je imao prebivalište prije odlaska u inozemstvo, ako u toj općini ima prijavljeno prebivalište i u trenutku podnošenja prijave za glasanje van zemlje".*

U istom članu u stavu 3. riječ "posjeduje" zamjenjuje se riječju "*ima*" i riječi: "registrirati se i" brišu se.

### Član 8.

U članu 1.6 u stavu 1. riječi: "ne može se registrirati da glasa" zamjenjuju se riječima: "*ne može biti upisana u Centralni birački spisak*."

### Član 9.

U članu 1.7 riječi "ne može se registrirati da glasa" zamjenjuju se riječima: "ne može biti upisano u Centralni birački spisak."

#### Član 10.

Iza člana 1.7 dodaje se novi član 1.7a koji glasi:

#### "Član 1.7a

*Nijedno lice koje je na izdržavanju kazne koju je izrekao sud druge zemlje ili lice koje se nije povinovalo naredbi da se pojavi pred sudom druge zemlje zbog ozbiljnih povreda humanitarnog prava, a Međunarodni sud za ratne zločine u bivšoj Jugoslaviji razmatrao je njegov dosje prije hapšenja i utvrdio da zadovoljava međunarodne pravne standarde, ne može biti upisano u Centralni birački spisak, niti može biti kandidat, niti imati bilo koju imenovanu, izbornu ni drugu javnu dužnost na teritoriji Bosne i Hercegovine."*

#### Član 11.

U članu 1.8 stav 1. mijenja se i glasi:

*"Sudije redovnih i ustavnih sudova, tužioci i njihovi zamjenici, pravobranioци i njihovi zamjenici, ombudsmeni i njihovi zamjenici, članovi sudovaldomovalvijeća za ljudska prava, policijski službenici, državni službenici, pripadnici Oružanih snaga BiH, pripadnici Obavještajno-sigurnosne agencije BiH, kao i diplomatski i konzularni predstavnici BiH u inozemstvu, koji imaju diplomatski status u skladu s Bečkom konvencijom o diplomatskim odnosima (iz 1961.), mogu se kandidirati za javnu izbornu dužnost samo ako prethodno podnesu ostavku na taj položaj ili postupe u skladu sa zakonima koji reguliraju njihov status."*

U istom članu u stavu 4. prva rečenica: "Jedno lice može istovremeno obavljati najviše dvije javne posredno ili neposredno izabrane dužnosti" mijenja se i glasi:

*"Jedno lice može obavljati najviše jednu neposredno izabranu javnu dužnost ili najviše jednu neposredno i jednu posredno izabranu dužnost, osim ako ovim zakonom nije drugačije regulirano."*

#### Član 12.

U članu 1.10. u stavu 1. u tački 3. iza riječi "na" dodaje se riječ "bezuslovnu".

U istom članu u stavu 1. tačka 6. mijenja se i glasi:

*"6. ako odjavi prebivalište s područja izborne jedinice u kojoj je upisan u Centralni birački spisak da glasa i u kojoj je izabran, istekom roka od šest mjeseci od dana odjave prebivališta.; ili."*

#### Član 13.

U članu 1.11. stav 2. briše se.

#### Član 14.

U članu 1.14 u stavu 2. iza riječi "Hercegovine" dodaju se riječi: "raspisuje izbore u skladu s ovim zakonom", iza riječi "vlasti" dodaju se riječi: "i javnost", riječi "170 dana" zamjenjuju se riječima: "150 dana" i broj "13" zamjenjuje se brojem "14".

U istom članu stav 3. briše se.

Stav 4. postaje stav 3.

## POGLAVLJE 2. ORGANI ZA PROVOĐENJE IZBORA

#### Član 15.

U članu 2.1 u stavu 2. riječi "člana 14.7" zamjenjuju se riječima: "člana 15.7 stav 2."

U istom članu u stavu 3. riječi "ambasadama i konzulatima" zamjenjuju se riječima: "diplomatsko- konzularnim predstavništvima".

#### Član 16.

U članu 2.2 iza stava 3. dodaje se novi stav 4. koji glasi:

*"Članovi organa za provođenje izbora obavezni su se stalno obučavati tokom obavljanja mandata u skladu s planom i programom edukacije koji donosi Centralna izborna komisija BiH."*

#### Član 17.

U članu 2.3 u stavu 1. u tački 3. iza riječi: " članom 2.12" dodaju se riječi: "stav 4".

#### Član 18.

U članu 2.4 u stavu 1. riječi: "osim ako članom 2.12 ovog zakona nije drugačije određeno " i riječi: "osim ako ovim zakonom nije drugačije određeno" brišu se.

#### Član 19.

U članu 2.5 u stavu 2., 3., 4., 5. i 7. riječi : "ad hoc" brišu se.

U istom članu u stavu 2. riječi: "komisija za izbor i imenovanje" zamjenjuju se riječima: "Komisije za izbor i imenovanje".

U istom članu riječi: "Izborna komisija Bosne i Hercegovine" zamjenjuju se riječima: "Centralna izborna komisija BiH", a na kraju stava 2. tačka se briše, stavlja se zarez i dodaju riječi: "i ne mogu obavljati dužnost u organima stranke, udruženja ili fondacija koje su organizaciono ili finansijski povezane sa strankom, niti može biti uključen u bilo kakvu stranačku aktivnost."

U istom članu u stavu 5. riječi "donosi Izborna komisija Bosne i Hercegovine" zamjenjuju se riječima: "donosi Komisija za izbor i imenovanje" i u posljednjoj rečenici riječ "imenovanju" zamjenjuje se riječju "listi".

U istom članu iza stava 6. dodaje se novi stav 7. koji glasi:

*"Komisija za izbor i imenovanje dužna je dostaviti listu kandidata Predstavničkom domu Parlamentarne skupštine BiH najkasnije 30 dana prije isteka mandata članova Centralne izborne komisije BiH".*

Dosadašnji stav 7. postaje stav 8.

U istom članu u stavu 7., koji je ovim izmjenama postao stav 8., u prvoj rečenici iza riječi "dom" dodaju se riječi: "Parlamentarne skupštine BiH".

U istom članu iza stava 8. dodaju se novi stavovi 9. i 10. koji glase:

*"U slučaju da Predstavnički dom Parlamentarne skupštine BiH ne provede postupak iz stava 6. ovog člana, članovi Centralne izborne komisije BiH nastaviti će obavljati svoju dužnost do imenovanja novih članova Centralne izborne komisije BiH.*

*Sredstva za troškove objavljivanja javnog konkursa osiguravaju se u budžetu Centralne izborne komisije BiH."*

#### Član 20.

Iza člana 2.6 dodaje se novi član 2.6a koji glasi:

#### "Član 2.6a

*Član Centralne izborne komisije BiH prava iz radnog odnosa ostvaruje u Centralnoj izbornoj komisiji BiH.*

*Akt o izboru i stupanju na dužnost i prestanku dužnosti člana Centralne izborne komisije BiH donosi Predstavnički dom Parlamentarne skupštine BiH.*

*Vrijeme od dana stupanja na dužnost do dana prestanka dužnosti članu Centralne izborne komisije BiH računa se u radni odnos.*

*Član Centralne izborne komisije BiH ima pravo na plaću i druga primanja koja proizilaze iz statusa radnog odnosa u visini koja je određena za članove Parlamentarne skupštine BiH.*

*Član Centralne izborne komisije BiH, kojem je prestala dužnost i ne ostvaruje prava iz radnog odnosa, ima pravo na naknadu plaće u visini koju bi primao da obavlja dužnost, ali najduže šest mjeseci od dana prestanka dužnosti ili do ponovnog zasnivanja radnog odnosa u okviru tog roka. Vrijeme primanja ove naknade računa se u staž osiguranja, a primaocu naknade pripada i pravo na socijalno i zdravstveno osiguranje".*

#### Član 21.

Član 2.8 mijenja se i glasi:

*"Za postupke izvršene u okviru dužnosti i obaveza, a koje su utvrđene ovim i drugim zakonima, članovi Centralne izborne komisije BiH neće biti krivično i građanski odgovorni.*

*Na imunitet iz stava 1. ovog člana, članovi Centralne izborne komisije BiH mogu se pozvati u bilo koje vrijeme za postupke izvršene u okviru njihovih dužnosti i obaveza u Centralnoj izbornoj komisiji BiH, ali se on ne može smatrati općom preprekom za krivično gonjenje ili pokretanje parničnog postupka."*

#### Član 22.

U članu 2.9 iza tačke 2. dodaje se nova tačka 2.a koja glasi:

*"2.a donosi odluku o održavanju neposrednih izbora u Bosni i Hercegovini, propisanih ovim zakonom."*

U istom članu u tački 3. riječi: "i Sekretarijat" brišu se.

U istom članu iza tačke 4. dodati tačku 4.a koja glasi: "osigurava statističke evidencije razvrstane po spolu za svaki dio izbornog procesa".

U istom članu u tački 4. riječi: "izradu, tačnost i vođenje" zamjenjuju se riječima: "tačnost, ažurnost i ukupni integritet".

U istom članu u tački 5. iza riječi "nivoima" dodaje se riječ "neposrednih".

U istom članu u tački 6. iza riječi "nivo" dodaju se riječi: "neposrednih i posrednih", a iza riječi: "Bosni i Hercegovini" dodaju se riječi: "obuhvaćenih ovim zakonom".

U istom članu u tački 7. iza riječi: "i obrazaca za" dodaje se riječ "neposredne".

U istom članu u tački 8. iza riječi "nivo" dodaje se riječ "neposrednih".

U istom članu tačka 9. mijenja se i glasi:

*"9. potvrđuje rezultate svih neposrednih i posrednih izbora obuhvaćenih ovim zakonom, ovjerava da su ti izbori provedeni u skladu s ovim zakonom i objavljuje rezultate svih neposrednih i posrednih izbora obuhvaćenih ovim zakonom;*

U istom članu u tački 10. iza riječi "mandat" dodaju se riječi: "na svim nivoima neposrednih i posrednih izbora u Bosni i Hercegovini obuhvaćenih ovim zakonom".

U istom članu u tački 11. iza riječi: "birački odbor" dodaju se riječi: "ili bilo koje drugo tijelo nadležno za provođenje izbora".

U istom članu u tački 12. iza riječi "rezultate" dodaju se riječi: "neposrednih i posrednih izbora u Bosni i Hercegovini obuhvaćenih ovim zakonom,".

U istom članu u tački 14. riječ "vlasti" zamjenjuje se riječima: "neposrednih i posrednih izbora obuhvaćenih ovim zakonom" i iza riječi: "u skladu sa" dodaje se riječ "ovim".

U istom članu u tački 15. riječi: "stanju provođenja" zamjenjuju se riječju "provođenju", a riječi "i predlaže" zamjenjuju se riječima: "i inicira".

#### Član 23.

U članu 2.10 riječ "može" zamjenjuje se riječju "će", a riječi: "je ustanovljeno" zamjenjuju se riječju "ustanovi".

#### Član 24.

U članu 2.11 stav 1. mijenja se i glasi:

*"Administrativno-tehničke i stručne poslove za Centralnu izbornu komisiju BiH obavlja Sekretarijat Centralne izborne komisije BiH koji osniva Centralna izborna komisija BiH".*

U istom članu u stavu 2. iza riječi "Bosne i Hercegovine" dodaju riječi: *"po postupku i na način utvrđen Zakonom."*

U istom članu dodaje se stav 3. koji glasi:

*"Centralna izborna komisija BiH donosi Pravilnik o unutrašnjoj organizaciji Sekretarijata Centralne izborne komisije BiH na prijedlog generalnog sekretara, uz prethodnu saglasnost Vijeća ministara BiH."*

#### Član 25.

U članu 2.12 u stavu 4. iza riječi "predsjednik" dodaju se riječi: *"ili sudija"* i iza riječi "općine" dodaju se riječi: *"i gradskog vijeća"*.

U istom članu u stavu 5. iza riječi "imenuje" dodaju se riječi: *"i razrješava"*.

#### Član 26.

U članu 2.13 tačke 2. i 4. mijenjaju se i glase:

*"2. nadgleda i kontrolira rad Centra za birački spisak iz člana 3.8 ovog zakona;*

*4. provodi postupak imenovanja, imenuje i obučava članove biračkog odbora"*.

#### Član 27.

U članu 2.14 u stavu 1. i 2. riječi: "ili biračkog odbora" brišu se.

U istom članu u stavu 3. riječi: "ili biračkog odbora" i riječi: "ili birački odbor" brišu se, a riječi: "ne budu" zamjenjuju se riječima: *"ne bude"*.

#### Član 28.

U članu 2.15 u stavu 1. posljednja rečenica koja glasi: "Mandat novog člana traje do isteka mandata prethodnog člana." briše se.

#### Član 29.

U članu 2.16 u stavu 1. riječi: "Izborna komisija BiH može 2/3 većinom od ukupnog broja članova" zamjenjuju se riječima: *"općinsko vijećel skupština općine, uz prethodno pribavljenu saglasnost Centralne izborne komisije BiH, odnosno Centralna izborna komisija BiH može"*.

#### Član 30.

Član 2.19. mijenja se i glasi:

*"Birački odbor sastoji se od tri ili pet članova od kojih je jedan predsjednik.*

*Predsjednik i članovi biračkog odbora imaju zamjenike.*

*Predsjednika i članove biračkog odbora kao i njihove zamjenike imenuje općinska izborna komisija najkasnije u roku od 30 dana prije dana održavanja izbora.*

*Ako općinska izborna komisija ne imenuje članove biračkog odbora i njihove zamjenike u skladu sa stavom 3. ovog člana, članove biračkog odbora i njihove zamjenike imenovat će Centralna izborna komisija BiH.*

*Politička stranka i nezavisni kandidat čije je učešće na izborima ovjereno u toj izbornoj jedinici u skladu s ovim zakonom imaju pravo učestvovati u postupku žrijebanja za dodjelu mjesta u biračkom odboru, koje obavlja općinska izborna komisija.*

*Postupak žrijebanja iz stava 5. ovog člana obavlja se u roku koji ne smije biti kraći od 60 dana prije dana održavanja izbora.*

*Nakon izvršenog žrijebanja, a najkasnije u roku od sedam dana, politička stranka i nezavisni kandidat koji je učestvovao u žrijebanju dostavit će općinskoj izbornoj komisiji imena kandidata za članove biračkog odbora u kojem su osvojili mjesto putem žrijebanja.*

*Ako politička stranka i nezavisni kandidat ne dostave imena kandidata za članove biračkog odbora u roku iz stava 6. ovog člana, to će se smatrati odustajanjem od dodijeljenog mjesta u biračkom odboru, ili je broj kandidata za članove biračkog odbora predloženih od ovjerene političke stranke manji od broja članova biračkog odbora, općinska izborna komisija samostalno će imenovati članove biračkog odbora, vodeći računa o multietničkom sastavu biračkog odbora, gdje je to moguće.*

*Postupak žrijebanja provodi se u skladu s obaveznim uputstvom koje donosi Centralna izborna komisija BiH.*

*Samo jedan predstavnik jedne političke stranke može biti u sastavu jednog biračkog odbora.*

*Članovi biračkih odbora imaju pravo na naknadu za svoj rad. Odluku o visini ove naknade donosi općinska izborna komisija.*

*Za provođenje općih izbora odluku o visini naknade za rad članova biračkih odbora donosi Centralna izborna komisija BiH."*

### POGLAVLJE 3. BIRAČKI SPISAK

#### Član 31.

POGLAVLJE 3. BIRAČKI SPISAK mijenja se i glasi:

#### "Član 3.1

*Centralni birački spisak je evidencija o državljanima Bosne i Hercegovine koji imaju biračko pravo u skladu s ovim zakonom i formira se, vodi i koristi za potrebe organizacije i provođenja izbora u skladu sa zakonom, za provođenje referenduma, za provođenje opoziva izabranog zvaničnika i izbore organa lokalne samouprave, u skladu sa zakonom.*

*Centralni birački spisak i izvod iz Centralnog biračkog spiska su javni.*

*Pravo uvida u Centralni birački spisak ostvaruje se u skladu s ovim zakonom.*

*Političkim subjektima koji su ovjereni za učešće na izborima u skladu s ovim zakonom, osigurat će se, na njihov zahtjev, izvod iz Centralnog biračkog spiska za nivo vlasti, odnosno izbornu jedinicu u kojoj učestvuju na izborima, u elektronskom obliku ili u ispisu.*

#### Član 3.2

*Centralni birački spisak je jedinstven, stalan i redovno se ažurira.*

*U Centralni birački spisak upisuju se državljani Bosne i Hercegovine koji:*

- a) su navršili 18 godina;*
- b) će na dan održavanja izbora navršiti 18 godina;*
- c) imaju biračko pravo u skladu s ovim zakonom, a žive privremeno u inozemstvu i*
- d) imaju biračko pravo u skladu s članom 20.8 stav 6. ovog zakona.*

*Centralni birački spisak ne sadrži imena državljanina Bosne i Hercegovine koja su pravosnažnom odlukom nadležnog organa lišena potpune poslovne sposobnosti. Ako je ovakvo lice upisano, brisat će se iz Centralnog biračkog spiska, a ako se licu pravosnažnom odlukom nadležnog organa vrati poslovna sposobnost, bit će upisano u Centralni birački spisak.*

#### Član 3.3

*Centralni birački spisak sačinjava se i vodi na osnovu podataka iz službenih evidencija o prebivalištu i boravištu državljana Bosne i Hercegovine koje vodi nadležni državni organ, drugih javnih isprava i službenih evidencija o državljanima BiH, koje vode Centralna izborna komisija BiH i drugi nadležni organi i na osnovu javnih isprava i podataka koji se dobiju neposredno od građana.*

#### *Član 3.4*

*Centralni birački spisak vodi se i obrađuje u elektronskom obliku.*

*Evidenciji Centralnog biračkog spiska ili njegovim izvodima pristupa se i podaci se obrađuju istom metodologijom i upotrebom istog kompjuterskog programa, na svim mjestima na kojima se obavljaju poslovi obrade i pribavljaju podaci za potrebe vođenja Centralnog biračkog spiska.*

*Evidencija Centralnog biračkog spiska obrađuje se i vodi upotrebom kompjuterske obrade podataka, po jedinstvenoj metodologiji i programu čiji se sadržaj i način korištenja utvrđuje između nadležnog organa Bosne i Hercegovine i Centralne izborne komisije BiH.*

#### *Član 3.5*

*Centralni birački spisak vodi se po službenoj dužnosti.*

*Centralna izborna komisija BiH vodi Centralni birački spisak za teritoriju Bosne i Hercegovine na osnovu evidencije nadležnog državnog organa koji vodi registar građana Bosne i Hercegovine u skladu sa Zakonom o centralnoj evidenciji i razmjenu podataka, osim ako ovim zakonom nije drugačije određeno.*

*Nadležni državni organ iz stava 2. ovog člana održava i odgovoran je za cjelokupnu tehničku obradu svih podataka značajnih za evidenciju Centralnog biračkog spiska (u daljnjem tekstu: organ koji tehnički održava evidenciju Centralnog biračkog spiska).*

*Organu koji tehnički održava evidenciju Centralnog biračkog spiska podatke dostavljaju:*

*1. Nadležni matični ured:*

*a) o građanima koji su navršili 18 godina,*

*b) o građanima koji su mlađi od 18 godina života, a koji će do dana održavanja*

*izbora navršiti 18 godina i*

*c) o smrti građana starijih od 18 godina.*

*2. Nadležni organ koji vodi evidencije o promjenama prebivališta i boravišta;*

*3. Nadležno ministarstvo Bosne i Hercegovine o ispisu iz državljanstva BiH;*

*4. Općinske izborne komisije o biračkim mjestima i*

*5. Centralna izborna komisija BiH i općinske izborne komisije o promjenama biračke opcije.*

*Za tačnost i ažurnost podataka potrebnih za izradu Centralnog biračkog spiska odgovoran je organ nadležan za vođenje službenih evidencija o tim podacima.*

*Organi koji vode službene evidencije o podacima državljana Bosne i Hercegovine dužni su organu koji tehnički održava evidenciju Centralnog biračkog spiska dostaviti sve promjene koje utiču na ažurnost Centralnog biračkog spiska u pisanom obliku najkasnije u roku od sedam dana od dana nastale promjene, a u roku od dva dana od nastale promjene u elektronskom obliku.*

*Organ koji tehnički održava evidenciju Centralnog biračkog spiska sve promjene podataka koje utiču na Centralni birački spisak evidentira i na odgovarajući način provjerava dobivene podatke, analizira sadržaj Centralnog biračkog spiska u saradnji s Centralnom izbornom komisijom BiH i preduzima mjere i radnje za otklanjanje utvrđenih nedostataka i ispravku grešaka.*



*Organ koji tehnički održava evidenciju Centralnog biračkog spiska dužan je da čuva dosjee dokumenata, javnih isprava i zahtjeva građana na osnovu kojih se vodi i ažurira Centralni birački spisak i da, na zahtjev Centralne izborne komisije BiH, osigura pristup i uvid u ove dokumente.*

### *Član 3.6*

*Centralna izborna komisija BiH odgovorna je za tačnost, ažurnost i ukupni integritet Centralnog biračkog spiska.*

*Centralna izborna komisija BiH u vođenju Centralnog biračkog spiska:*

- a) obavještava nadležne organe o uočenim nedostacima i preduzima odgovarajuće mjere i radnje za otklanjanje nepravilnosti i uspostavljanje tačnosti i ažurnosti Centralnog biračkog spiska;*
- b) izrađuje izvode iz Centralnog biračkog spiska za raseljena lica Bosne i Hercegovine;*
- c) izrađuje izvode iz Centralnog biračkog spiska za birače koji glasaju van Bosne i Hercegovine;*
- d) vodi posebne evidencije o licima kojima je po osnovu zakona oduzeto pravo da glasaju i*
- e) zaključuje i potvrđuje konačne izvode iz Centralnog biračkog spiska koji se koristi za izbore.*

*Izrada izvoda iz Centralnog biračkog spiska za birače iz stava 2. tačka b) ovog člana vrši se na osnovu podataka koje dostavljaju nadležni državni organi i podataka koje dostavljaju građani u skladu s ovim zakonom.*

*Izrada izvoda iz Centralnog biračkog spiska za birače iz stava 2. tačka c) ovog člana vrši se na osnovu podataka koje ima Centralna izborna komisija BiH i podataka koje dostavljaju građani koji glasaju van Bosne i Hercegovine.*

*Nadležni organi iz stava 3. i 4. ovog člana odgovorni su za tačnost, ažurnost i pravovremeno dostavljanje podataka koji su potrebni za izradu izvoda iz Centralnog biračkog spiska.*

*Centralna izborna komisija BiH svojim propisima utvrdit će:*

- a) rokove i način za zaključivanje i potvrđivanje konačnog Centralnog biračkog spiska i*
- b) rokove za dostavljanje podataka o promjenama u evidencijama raseljenih lica i evidenciji državljana koji glasaju van Bosne i Hercegovine.*

### *Član 3.7*

*Na osnovu podatka sadržanih u evidenciji Centralnog biračkog spiska, Centralna izborna komisija BiH za svaku osnovnu izbornu jedinicu izrađuje izvod iz Centralnog biračkog spiska koji sadrži podatke o svim biračima s pravom glasa za tu osnovnu izbornu jedinicu, koji se općinskoj izornoj komisiji dostavlja najkasnije u roku od 20 dana prije dana održavanja izbora.*

*Izvod iz Centralnog biračkog spiska vodi se prema mjestu prebivališta državljana Bosne i Hercegovine i to po biračkim mjestima.*

*Centralna izborna komisija BiH može utvrditi izvod iz Centralnog biračkog spiska i za druge izborne jedinice za koje se provode određeni izbori, za potrebe provođenja postupka opoziva izabranog zvaničnika i za provođenje referenduma, na osnovu podataka sadržanih u Centralnom biračkom spisku.*

*Državljanin Bosne i Hercegovine nalazi se u jednom izvodu iz Centralnog biračkog spiska, za jednu osnovnu izbornu jedinicu i na jednom biračkom mjestu.*

### *Član 3.8*

*U svakoj općini nadležni općinski organ uspostavlja Centar za birački spisak.*

*Nadležni općinski organ obučava osoblje Centra za birački spisak, u saradnji s općinskom izbornom komisijom.*

*Centar za birački spisak:*

- a) pruža tehničku pomoć općinskoj izbornoj komisiji u određivanju biračkih mjesta na teritoriji općine i raspoređivanju birača po biračkim mjestima;
- b) ažurira podatke iz tačke a) ovog stava u skladu s promjenom broja birača i propisima Centralne izborne komisije BiH;
- c) osigurava uvid u izvod iz Centralnog biračkog spiska na teritoriji svoje općine;
- d) osigurava podatke za Centralni birački spisak koji su utvrđeni propisima Centralne izborne komisije BiH;
- e) pruža tehničku pomoć općinskoj izbornoj komisiji u vezi sa zahtjevima i prigovorima birača koji se odnose na izvod iz Centralnog biračkog spiska i
- f) obavlja i druge poslove koje mu odredi Centralna izborna komisija BiH i općinska izborna komisija, u skladu s propisima Centralne izborne komisije BiH.

Centar za birački spisak vodi evidenciju podnesenih zahtjeva i prigovora iz stava 2. tačke d) i e) ovog člana i dužan je da čuva dokumentaciju priloženu uz te zahtjeve i prigovore.

Centralna izborna komisija BiH će svojim propisima bliže utvrditi način, odgovornost za rad, rok za uspostavljanje i sva druga pitanja značajna za rad Centra za birački spisak.

### Član 3.9

Državljanin Bosne i Hercegovine koji ima biračko pravo upisuje se u Centralni birački spisak za osnovnu izbornu jedinicu gdje ima prijavljeno prebivalište u Bosni i Hercegovini, osim ako ovim zakonom nije drugačije određeno.

Državljanin Bosne i Hercegovine koji ima biračko pravo u skladu s ovim zakonom i privremeno živi u inozemstvu upisuje se u Centralni birački spisak za osnovnu izbornu jedinicu gdje je imao prijavljeno prebivalište u Bosni i Hercegovini prije odlaska u inozemstvo.

Državljanin Bosne i Hercegovine koji ima biračko pravo u skladu s ovim zakonom i koji ima status izbjeglog lica iz BiH upisuje se u Centralni birački spisak za osnovnu izbornu jedinicu u kojoj je imao prebivalište, u skladu s odredbama člana 20. 8 ovog zakona.

Državljanin Bosne i Hercegovine koji ima biračko pravo u skladu s ovim zakonom i koji ima status raseljenog lica upisuje se u Centralni birački spisak za osnovnu izbornu jedinicu na osnovu izražene biračke opcije, u skladu s odredbama člana 20. 8 ovog zakona.

Zahtjev za određivanje ili promjenu biračke opcije u smislu stava 4. ovog člana podnosi lično podnosilac zahtjeva u roku i na obrascima koje određuje i propisuje Centralna izborna komisija BiH.

Ako državljani Bosne i Hercegovine ne podnese zahtjev za određivanje ili promjenu biračke opcije u smislu stava 5. ovog člana bit će upisan u Centralni birački spisak za osnovnu izbornu jedinicu u kojoj je bio upisan na posljednjim izborima, a ako nije uopće bio upisan u Centralni birački spisak, bit će upisan u Centralni birački spisak za osnovnu izbornu jedinicu u kojoj je imao prebivalište prema posljednjem popisu stanovništva u Bosni i Hercegovini.

### Član 3.10

Evidencija Centralnog biračkog spiska sadrži sljedeće podatke o državljanima Bosne i Hercegovine koji imaju biračko pravo:

- a) prezime i ime i ime jednog roditelja,
- b) datum rođenja,
- c) jedinstveni matični broj,
- d) spol,
- e) naziv općine gdje birač ima prebivalište ili boravište,
- f) adresa prebivališta, odnosno boravišta (ulica, kućni broj i mjesto),

- g) naziv općine, odnosno izborne jedinice za koju lice ima pravo glasa,
- h) biračka opcija i
- i) rubrika "napomena".

Na osnovu elektronske evidencije Centralnog biračkog spiska sačinjavaju se izvodi iz Centralnog biračkog spiska.

Formu i izgled izvoda iz Centralnog biračkog spiska koji se koriste za provođenje izbora utvrđuje Centralna izborna komisija BiH.

#### Član 3.11

Objavljivanje podataka iz Centralnog biračkog spiska i stavljanje sadržaja na uvid javnosti vrši se vodeći računa o principima zaštite ličnih podataka, a u skladu sa Zakonom o zaštiti ličnih podataka.

#### Član 3.12

Prebivalište je općina u kojoj se državljanin nastanio s namjerom da tu stalno živi i gdje je prijava prebivališta izvršena u skladu sa Zakonom o prebivalištu i boravištu državljana Bosne i Hercegovine.

Za državljanina Bosne i Hercegovine koji ima status raseljenog ili izbjeglog lica prebivalište je mjesto boravka u kojem je imao prebivalište prema posljednjem popisu stanovništva koji je izvršila država Bosna i Hercegovina.

#### Član 3.13

Upis u Centralni birački spisak vrše nadležni organi u skladu s odredbama člana 3.5 ovog zakona.

Svaki državljanin Bosne i Hercegovine ima pravo izvršiti uvid u izvod iz Centralnog biračkog spiska i zahtijevati njegove ispravke ako se radi o ispravci njegovih ličnih podataka. Zahtjev se podnosi u pisanom obliku organu iz stava četiri ovoga člana.

Lični podaci u smislu stava 2. ovog člana su podaci iz člana 3.10 stav 1. tačka a), b) c), e) i f) ovog zakona.

Ispravke ličnih podataka u Centralnom biračkom spisku vrše se kod nadležnog organa koji je odgovoran za vođenje evidencija o tim podacima.

#### Član 3.14

Centralna izborna komisija BiH donosi propise kojima utvrđuje način i postupak izrade izvoda iz Centralnog biračkog spiska za birače koji su:

- a) vezani za svoje domove zbog starosti, bolesti ili invaliditeta i
- b) zatvorenici ili su vezani za ustanove, a imaju pravo glasati.

#### Član 3.15

Državljanin Bosne i Hercegovine koji privremeno živi u inozemstvu, a koji ima biračko pravo u skladu s ovim zakonom i upisan je u Centralni birački spisak, da bi se nalazio u izvodu iz Centralnog biračkog spiska za glasanje van BiH, dužan je za svake izbore podnijeti prijavu Centralnoj izbornoj komisiji BiH. Prijava mora biti primljena prije roka koji utvrdi Centralna izborna komisija BiH u periodu nakon raspisivanja izbora. Uz ispunjenu prijavu, koju potpisuje podnosilac prijave, prilaže i dokaz o identitetu podnosioca prijave predviđen ovim zakonom i podatke o tačnoj adresi u inozemstvu.

Državljanin Bosne i Hercegovine koji ima status izbjeglog lica iz BiH, a koji ima biračko pravo u skladu s ovim zakonom i upisan je u Centralni birački spisak, da bi se nalazio u izvodu iz Centralnog biračkog spiska za glasanje van BiH, dužan je za svake izbore podnijeti prijavu Centralnoj izbornoj komisiji BiH. Prijava mora biti primljena prije roka koji utvrdi Centralna izborna komisija BiH u periodu nakon raspisivanja izbora. Uz ispunjenu prijavu, koju potpisuje, podnosilac prijave prilaže i :

- a) dokaz o identitetu podnosioca prijave predviđen ovim zakonom;
- b) podatke o tačnoj adresi u inozemstvu;i

c) *dokaz o prebivalištu u BiH u skladu s članom 20.8 ovog zakona, ako želi izvršiti promjenu u podacima pod kojim je upisan u Centralni birački spisak za osnovnu izbornu jedinicu za koju ima pravo glasa.*

*Izbjeglo lice iz BiH koje se ne nalazi u Centralnom biračkom spisku, da bi bilo upisano u Centralni birački spisak i time ostvarilo biračko pravo u skladu s ovim zakonom, dužno je podnijeti prijavu Centralnoj izbornoj komisiji BiH. Prijava mora biti primljena prije roka koji utvrdi Centralna izborna komisija BiH u periodu nakon raspisivanja izbora. Uz ispunjenu prijavu koju potpisuje, podnosilac prijave prilaže i:*

- a) *dokaz o identitetu podnosioca prijave,*
- b) *dokaz o državljanstvu Bosne i Hercegovine,*
- c) *dokaz o prebivalištu u BiH u skladu s članom 20.8 ovog zakona,*
- d) *podatke o tačnoj adresi u inozemstvu.*

*Dokaz o identitetu podnosioca prijave, u smislu tačke a) stava 3. ovog člana, jedan je od sljedećih važećih dokumenata:*

- a) *pasoš,*
- b) *vozačka dozvola,*
- c) *važeća lična isprava izdata od zemlje domaćina i*
- d) *izbjeglički karton izdat od vlade zemlje domaćina ili druge međunarodne organizacije.*

*Ako ispuni propisane uslove iz stava 1., 2. i 3. ovog člana, podnosilac prijave nalazit će se u izvodu iz Centralnog biračkog spiska za glasanje van BiH.*

*Podnosilac prijave iz stava 1., 2. i 3. ovog člana odgovoran je za vjerodostojnost podataka koje podnosi uz prijavu.*

*Centralna izborna komisija BiH utvrđuje formu obrasca prijave iz stava 1., 2. i 3. ovog člana, način i postupak kojim se provjerava tačnost podataka u dokumentima koja podnesu izbjegla lica iz BiH koja zahtijevaju da budu upisana u Centralni birački spisak, provjerava dokaze kojima se dokazuje identitet i prebivalište za izbjegla lica i donosi odgovarajuća uputstva u vezi s postupkom upisa birača u izvod iz Centralnog biračkog spiska za glasanje van BiH.*

### *Član 3.16*

*Državljanin Bosne i Hercegovine iz člana 3.15 stav 1., 2. i 3. ovog zakona dužan je dostaviti sve izmjene koje se odnose na podatke koje je prethodno dostavio u Centralnu izbornu komisiju BiH i na osnovu kojih se nalazi u izvodu iz Centralnog biračkog spiska za glasanje van BiH. Izmjene o podacima dostavljaju se najkasnije do isteka roka utvrđenog za podnošenje prijave za glasanje van BiH za sljedeće izbore.*

*Ako državljani Bosne i Hercegovine iz člana 3.15 stav 1. ovog zakona ne podnese prijavu prije isteka roka utvrđenog za podnošenje prijave za glasanje van BiH na sljedećim izborima, nalazit će se u izvodu iz Centralnog biračkog spiska za glasanje na odgovarajućem biračkom mjestu u osnovnoj izbornoj jedinici u kojoj ima prebivalište.*

*Ako državljani Bosne i Hercegovine iz člana 3.15 stav 2. ovog zakona ne dostavi dokaze o prebivalištu u BiH u skladu s članom 20.8 ovog zakona, bit će upisan u izvod iz Centralnog biračkog spiska za glasanje van BiH s pravom glasa za osnovnu izbornu jedinicu u kojoj ima prebivalište prema podacima s kojima raspolaže organ koji tehnički održava evidenciju Centralnog biračkog spiska.*

*Ako se državljani Bosne i Hercegovine koji je upisan u izvod iz Centralnog biračkog spiska za glasanje van zemlje vratio u Bosnu i Hercegovinu prije roka utvrđenog za zaključenje izvoda iz konačnog Centralnog biračkog spiska za naredne izbore, dužan je podnijeti zahtjev za promjenu biračke opcije nadležnom Centru za birački spisak.*

*Centar za birački spisak, putem općinske izborne komisije, zaprima i obrađuje sve zahtjeve iz stava 4. ovog člana u skladu s propisima Centralne izborne komisije BiH i dostavlja ove podatke Centralnoj izbornoj komisiji BiH s ciljem evidentiranja nastalih promjena na izvodu iz Centralnog biračkog spiska za glasanje van BiH.*

*Ako se državljanin Bosne i Hercegovine, koji je upisan u izvod iz Centralnog biračkog spiska za glasanje van zemlje, vratio u Bosnu i Hercegovinu nakon isteka roka utvrđenog za zaključenje izvoda iz konačnog Centralnog biračkog spiska za naredne izbore, bit će mu dozvoljeno da glasa nepotvrđenim/kovertiranim glasačkim listićem na biračkom mjestu u osnovnoj izbornoj jedinici za koju ima pravo da glasa.*

#### Član 3.17

*Državljanin Bosne i Hercegovine koji ima biračko pravo, a ne nalazi se u zaključenom izvodu iz Centralnog biračkog spiska, može glasati ako predoči važeći identifikacioni dokument iz člana 5.12 ovog zakona i potvrdu o mjestu prebivališta.*

Birač iz stava 1. ovog člana će glasati na biračkom mjestu prema njegovom prebivalištu.

*Centralna izborna komisija BiH utvrđuje propisima način i postupak glasanja birača iz stava 1. ovog člana i način provjere biračkog prava ovih birača."*

### POGLAVLJE 4. OVJERA I KANDIDIRANJE ZA IZBORE

#### Član 32.

U članu 4.2 stav 1. tačka 1. mijenja se i glasi:

*"1. kandidat mora biti upisan u Centralni birački spisak u općini u kojoj se kandidira, ili u općini unutar granica izborne jedinice ako se kandidira za viši nivo vlasti, najkasnije do dana raspisivanja izbora; i".*

U istom članu u stavu 3. iza riječi "jedinica" dodaju se riječi: "*osim ako ovim zakonom nije drugačije određeno*".

#### Član 33.

U članu 4.4 u stavu 1. riječ "registriranog" briše se, a iza riječi "birača" dodaju se riječi: "*upisanog u Centralni birački spisak*".

U istom članu u stavu 5. u tačkama 1., 2., 3. i 4. riječ "registriranih" briše se, a iza riječi "birača" dodaju se riječi: "*upisanih u Centralni birački spisak*".

U istom članu u stavu 5. tačka 5. mijenja se i glasi:

*"5. stotinu potpisa birača upisanih u Centralni birački spisak za izbore za općinsko vijeće, odnosno skupštinu općine i za načelnika općine, u općini u kojoj broj birača upisanih u Centralni birački spisak na posljednjim izborima održanim za taj nivo vlasti nije bio veći od 10.000 birača, ili 200 potpisa za izbore u općini u kojoj je ovaj broj bio veći od 10.000 birača upisanih u Centralni birački spisak."*

U istom članu u stavu 5. tačka 6. mijenja se i glasi:

*"6. 5 % potpisa birača upisanih u Centralni birački spisak za izbore za općinsko vijeće, odnosno skupštinu općine i za načelnika općine, u općini u kojoj broj birača upisanih u Centralni birački spisak na posljednjim izborima održanim za taj nivo vlasti nije bio veći od 1000 birača upisanih u Centralni birački spisak.."*

U istom članu u stavu 5. iza tačke 6. dodaje se tačka 7. koja glasi:

*"7. Potpisi podrške podneseni za izbore za viši nivo vlasti važe i za niži nivo vlasti koji je uključen u taj nivo vlasti".*

#### Član 34.

U članu 4.5 dodaje se novi stav 2. koji glasi:

*"Politička stranka oslobođena je obaveze prikupljanja potpisa iz člana 4.4 ovog zakona i u slučaju kada se podnosi zahtjev za ovjeru kandidature za organ koji je na istom ili nižem nivou od organa u kojem član političke stranke ima mandat. "*

Dosadašnji stav 2. postaje stav 3.

#### Član 35.

U članu 4.6. u stavu 1. riječi: "nadležnom organu" zamjenjuju se riječima: "Centralnoj izbornoj komisiji BiH", a broj "140" zamjenjuje se brojem "135".

U istom članu u stavu 2. iza riječi "zakonom" briše se tačka, stavlja zarez i dodaju riječi: "najkasnije u roku od 15 dana od dana prijema prijave".

U istom članu u stavu 3. iza riječi "nepotpuni" dodaju se riječi: "ili da prijava sadrži neki drugi nedostatak ili nepravilnost u smislu ovog zakona ili akta Centralne izborne komisije BiH" i stavlja zarez, a iza riječi: "dva dana" dodaju se riječi: "od dana prijema obavještenja". U posljednjoj rečenici u ovom stavu iza riječi "roka" dodaju se riječi: "ako politička stranka ne otkloni nedostatak ili nepravilnost iz ovog stava, Centralna izborna komisija BiH neće ovjeriti prijavu političke stranke za učešće na izborima."

U istom članu u stavu 4. iza riječi: "dva dana" dodaju se riječi: "od dana prijema odluke", a iza riječi: "tri dana" dodaju se riječi: "od dana prijema zahtjeva".

#### Član 36.

U članu 4.8 u stavu 1. u tački 1., 2., 3. i 4. riječ "registriranih" briše se i iza riječi "birača" dodaju se riječi: "upisanih u Centralni birački spisak".

U istom članu u stavu 1. u tački. 5. riječ "registriranih" briše se, iza riječi "birača" dodaju se riječi: "upisanih u Centralni birački spisak" i riječi: "u općini kada se načelnik bira neposredno" zamjenjuju se riječju "općine".

U istom članu u stavu. 1. tačka 6. mijenja se i glasi:

"6. 5 %" potpisa birača upisanih u Centralni birački spisak za izbore za općinsko vijeće, odnosno skupštinu općine i za načelnika općine, u općini u kojoj broj birača upisanih u Centralni birački spisak na posljednjim izborima održanim za taj nivo vlasti nije bio veći od 1000 birača upisanih u Centralni birački spisak."

#### Član 37.

U članu 4.9 dodaje se novi stav 2. koji glasi:

"Nezavisni kandidat oslobođen je obaveze prikupljanja potpisa iz člana 4.8 ovog zakona i u slučaju kada se kandidira za organ koji je na istom ili nižem nivou od organa u kojem nezavisni kandidat ima mandat."

#### Član 38.

U članu 4.10 u stavu 1. broj "140" zamjenjuje se brojem "135".

U istom članu u stavu 2. iza riječi "zakonom" dodaju se riječi: "najkasnije u roku od 15 dana od dana prijema prijave".

U istom članu u stavu 3. riječi: "u roku od dva dana" brišu se.

U istom članu u stavu 4. iza riječi "nepotpuni" dodaju se riječi: "ili da prijava sadrži neki drugi nedostatak ili nepravilnost u smislu ovog zakona ili akta Centralne izborne komisije BiH" i stavlja zarez, a iza riječi: "dva dana" dodaju se riječi: "od dana prijema obavještenja". U posljednjoj rečenici u ovom stavu iza riječi "roka" dodaju se riječi: "ako nezavisni kandidat ne otkloni nedostatak ili nepravilnost iz ovog stava, Centralna izborna komisija BiH neće ovjeriti prijavu nezavisnog kandidata za učešće na izborima."

U istom članu u stavu 5. iza riječi: "dva dana" dodaju se riječi: "od dana prijema odluke", a na kraju stava dodaju se riječi: "od dana prijema zahtjeva".

#### Član 39.

U članu 4.12 u stavu 1. na kraju prve rečenice dodaju se riječi: " i akt o određivanju ovlaštenog predstavnika koalicije potpisan od svih predsjednika političkih stranaka članica koalicije i podatke o sjedištu koalicije, odnosno adresu na koju će biti dostavljena sva pismena."

U istom članu u stavu 3. iza riječi "izborima" dodaju se riječi: "najkasnije u roku od sedam dana od dana prijema prijave".

U istom članu u stavu 4. iza riječi "nepotpuni" dodaju se riječi: "ili da prijava sadrži neki drugi nedostatak ili nepravilnost u smislu ovog zakona ili akta Centralne izborne komisije BiH" i stavlja zarez, a iza riječi: "dva dana" dodaju se riječi: "od dana prijema



*obavještenja". U posljednjoj rečenici ovog stava iza riječi "roka" dodaju se riječi: "ako koalicija ne otkloni nedostatak ili nepravilnost iz ovog stava, Centralna izborna komisija BiH neće ovjeriti prijavu koalicije za učešće na izborima."*

U istom članu u stavu 5. iza riječi: "dva dana" dodaju se riječi: "od dana prijema odluke", a na kraju stava dodaju se riječi: "od dana prijema zahtjeva".

#### Član 40.

U članu 4.13 u stavu 2. riječi: "podnošenja zahtjeva za ovjeru" zamjenjuju se riječima: "ovjere za učešće na izborima".

#### Član 41.

U stavu 1. člana 4.15. riječi "u skupštinu općine, odnosno općinsko vijeće i za izbore u kantonalne skupštine" zamjenjuju se riječima: "na svim nivoima vlasti"

U istom članu u stavu 2. iza riječi "zakonom" dodaju se riječi: "najkasnije u roku od sedam dana od dana prijema prijave".

U istom članu u stavu 3. iza riječi "nepotpuni" dodaju se riječi: "ili da prijava sadrži neki drugi nedostatak ili nepravilnost u smislu ovog zakona ili akta Centralne izborne komisije BiH" i stavlja zarez, a iza riječi: "dva dana" dodaju se riječi: "od dana prijema obavještenja". U posljednjoj rečenici ovog stava iza riječi "roka" dodaju se riječi: "ako podnosilac liste nezavisnih kandidata ne otkloni nedostatak ili nepravilnost iz ovog stava, Centralna izborna komisija BiH neće ovjeriti prijavu liste nezavisnih kandidata za učešće na izborima."

U istom članu u stavu 4. iza riječi: "dva dana" dodaju se riječi: "od dana prijema odluke", a na kraju stava dodaju se riječi: "od dana prijema zahtjeva".

#### Član 42.

U članu 4.16 riječ "taksu" zamjenjuje se riječima: "dokaz o uplaćenju taksi", a riječ "Taksa" u drugoj rečenici zamjenjuje se riječima: "Uplaćeni novčani iznos za taksu".

#### Član 43.

U članu 4.18 u stavu 1. iza riječi "listu" dodaju se riječi: "na ovjeru", a riječi: "izbor članova za Predstavnički dom Parlamentarne skupštine Bosne i Hercegovine i kandidata za izbor članova Predsjedništva Bosne i Hercegovine." brišu se.

U istom članu stav 2. briše se.

#### Član 44.

U članu 4.19 u stavu 3. iza riječi: "ovog zakona" zarez se briše i dodaju riječi: "i Vijeće Grada Mostara."

U istom članu stavovi 5. i 6. mijenjaju se i glase:

*"Kandidatska lista sadrži ime i prezime svakog kandidata na listi, jedinstveni matični broj, adresu prebivališta, izjašnjenje o pripadnosti konstitutivnom narodu ili grupi ostalih, broj važeće lične karte i mjesto njenog izdavanja, potpis predsjednika političke stranke, odnosno predsjednika političkih stranaka u koaliciji. Uz prijedlog liste dostavlja se izjašnjenje svakog od kandidata na listi o prihvaćanju kandidature. Izjašnjenje mora biti ovjereno na način propisan zakonom".*

*"Izjašnjenje o pripadnosti konstitutivnom narodu ili grupi ostalih iz stava 5. ovog člana koristit će se kao osnov za ostvarivanje prava na izabranu, odnosno imenovanu dužnost za koju je uslov izjašnjenje o pripadnosti konstitutivnom narodu ili grupi ostalih u izbornom ciklusu za koje je kandidatska lista podnesena.*

U istom članu iza stava 6. dodaju se stavovi 7. i 8. koji glase:

*Kandidat ima pravo da se ne izjasni o svojoj pripadnosti konstitutivnom narodu ili grupi ostalih na kandidatskoj listi, ali neizjašnjenje će se smatrati odustajanjem od prava na izabranu, odnosno imenovanu dužnost za koju je uslov izjašnjenje o pripadnosti konstitutivnom narodu ili grupi ostalih.*

*Ako se na kandidatskim listama nalazi veći broj kandidata od broja propisanog stavovima 2. i 3. ovog člana ili kandidatska lista ne ispunjava uslove iz stava 4. ovog člana, Centralna izborna komisija BiH ovjerit će kandidatsku listu do broja na listi koji ispunjava uslove propisane ovim zakonom".*

#### Član 45.

U članu 4.20 broj "12.5" zamjenjuje se riječima: "13.5 ovog zakona".

#### Član 46.

U članu 4.21 u stavu 1. riječi: "nadležnoj izornoj komisiji iz člana 4.18 ovog zakona" zamjenjuju se riječima: "Centralnoj izornoj komisiji BiH", a riječi: "95 dana" zamjenjuju se riječima: "90 dana".

U istom članu stav 2. briše se.

Dosadašnji stavovi 3., 4. i 5. postaju stavovi 2., 3. i 4.

U istom članu u stavu 3., koji je prema ovim izmjenama postao stav 2., broj "20" zamjenjuje se brojem "25", a iza riječi: "pet dana" dodaju se riječi: "od dana prijema obavještenja".

U istom članu u stavu 4., koji je prema ovim izmjenama postao stav 3., iza riječi: "dva dana" dodaju se riječi: "od dana prijema odluke", a na kraju stava dodaju se riječi: "od dana podnošenja zahtjeva".

U istom članu u stavu 5., koji je prema ovim izmjenama postao stav 4., riječi: "isteka roka za podnošenje" zamjenjuju se riječju "ovjere".

#### Član 47.

U članu 4.23 dodaju se novi stavovi 2. i 3. koji glase:

*"Nakon ovjere kandidatskih listi pa do početka štampanja glasačkih listića, politička stranka, koalicija i lista nezavisnih kandidata ima pravo zamijeniti kandidata na listi samo u slučaju smrti kandidata ili ako je u tom vremenu kandidat postao nepodoban za kandidaturu u smislu ovog zakona.*

*Ako politička stranka, koalicija i lista nezavisnih kandidata ne izvrše zamjenu kandidata u navedenom periodu, Centralna izborna komisija BiH uklonit će s kandidatske liste kandidate iz stava 1. ovog člana i takva kandidatska lista smatrat će se potpunom i ovjerenom".*

#### Član 48.

Iza člana 4.24 dodaje se član 4.25 koji glasi:

#### "Član 4.25

*U smislu ovog poglavlja, svaki dokument ili pismo koje politička stranka, koalicija, nezavisni kandidat ili lista nezavisnih kandidata podnese Centralnoj izornoj komisiji BiH smatrat će se važećim samo ako su ga potpisala lica koja su u prijavi za ovjeru za učešće na izborima navedena kao lica ovlaštena za zastupanje i čiji je potpis deponiran kod Centralne izorne komisije BiH.*

*U smislu ovog poglavlja, Centralna izborna komisija BiH će sve odnose s političkom strankom, koalicijom, nezavisnim kandidatom i listom nezavisnih kandidata obavljati isključivo preko sjedišta političke stranke, koalicije, nezavisnog kandidata ili liste nezavisnih kandidata ili preko lica ovlaštenog za zastupanje pred Centralnom izbornom komisijom BiH."*

### POGLAVLJE 5. PROVOĐENJE IZBORA

#### Član 49.

U članu 5.3 u stavu 1. na kraju teksta dodaju se riječi: "o čemu se sačinjava zapisnik koji potpisuju svi članovi biračkog odbora".

U istom članu iza stava 1. dodaje se novi stav 2. koji glasi:



*"U slučaju da izborni materijal iz stava 1. ovog člana nije dostavljen potpun i u ispravnom stanju, birački odbor o tome obavještava općinsku izbornu komisiju koja je obavezna da otkloni sve uočene nedostatke odmah, a najkasnije do otvaranja biračkog mjesta".*

Dosadašnji stav 2. postaje stav 3., a dosadašnji stavovi 3. i 4. brišu se.

Član 50.

U članu 5.6 u stavu 2. broj "16" zamjenjuje se brojem "17".

Član 51.

U članu 5.7 stav 2. mijenja se i glasi:

*"Član biračkog odbora, birač ili akreditirani posmatrač ima pravo u zapisnik o radu biračkog odbora unijeti svoje mišljenje ili primjedbe na proces glasanja ili ih predati u pisanom obliku o čemu predsjednik biračkog odbora izdaje potvrdu o predaji primjedbi, a o čemu može obavijestiti i općinsku izbornu komisiju. Ako ovo lice lično ne potpiše zapisnik o radu biračkog odbora, njegovo mišljenje ili primjedba neće biti razmatrani".*

U istom članu iza stava 2. dodaje se novi stav 3. koji glasi:

*"Ako se članu biračkog odbora, biraču ili akreditiranom posmatraču onemogućí da unese svoje mišljenje ili primjedbe u zapisnik, one se mogu dostaviti općinskoj izbornoj komisiji".*

Član 52.

U članu 5.12 u stavu 4. tačke 4., 5. i 6. brišu se.

Član 53.

U članu 5.13 iza stava 1. dodaje se novi stav 2. koji glasi:

*"Potpis birača na izvodu iz Centralnog biračkog spiska mora odgovarati potpisu s identifikacionog dokumenta koji se predočava članu biračkog odbora, za što je odgovoran član biračkog odbora".*

Član 54.

U članu 5.14. stav 1. mijenja se i glasi:

*"Centralna izborna komisija BiH utvrđuje formu i sadržaj glasačkog listića za sve nivoje neposrednih izbora u Bosni i Hercegovini."*

Član 55.

U članu 5.15 u stavu 1. u tački 3. iza riječi: "i imena nezavisnih kandidata" dodaju se riječi: "s oznakom "nezavisni kandidat"".

Član 56.

U članu 5.22. u stavu 1. dodaje se riječ "Centralna".

U članu 5.22 u stavu 2. riječ "ostali" briše se.

U istom članu u stavu 3. iza riječi: "Bosne i Hercegovine" dodaju se riječi: "na osnovu javnog konkursa" i riječi: "iskustvom u izbornoj problematici i nisu" zamjenjuju se riječima: "s najmanje tri godine iskustva u provođenju izbora i ne mogu biti".

Član 57.

U članu 5.29 stav 1. postaje stav 2.

U istom članu stav 2. postaje stav 1. i mijenja se i glasi:

*"Centralna izborna komisija BiH potvrđuje rezultate svih neposrednih i posrednih izbora obuhvaćenih ovim zakonom istekom roka za podnošenje prigovora, žalbe, odnosno nakon pravosnažnosti odluka, u roku od 30 dana od dana izbora".*

U istom članu u stavu 3. riječi: "rokovi za utvrđivanje izbornih rezultata" brišu se.

## POGLAVLJE 6. ZAŠTITA IZBORNOG PRAVA

### Član 58.

POGLAVLJE 6. ZAŠTITA IZBORNOG PRAVA mijenja se i glasi:

#### *"Član 6.1*

*Zaštitu izbornog prava osiguravaju izborne komisije i Apelacioni odjel Suda Bosne i Hercegovine.*

#### *Član 6.2*

*Birač i politički subjekt, čije je pravo ustanovljeno ovim zakonom povrijeđeno, može izornoj komisiji uložiti prigovor najkasnije roku od 48 sati od učinjene povrede.*

*Izborne komisije mogu, po saznanju za učinjenu povredu, pokrenuti postupak po službenoj dužnosti protiv političkog subjekta i zaposlenog u izornoj administraciji zbog kršenja pravila ponašanja iz člana 7.3 ovog zakona.*

*Inicijativu za pokretanje postupka u smislu stava 2. ovog člana može podnijeti pravno ili fizičko lice preko nadležne općinske izborne komisije u pisanom obliku, u kojoj je obavezno navesti mjesto, vrijeme, sadržaj učinjene povrede i počinioca.*

#### *Član 6.3*

*Prigovor se podnosi u pisanoj obliku. Prigovor sadrži kratak opis učinjene povrede i prilog -dokaze koji potvrđuju navode prigovora. Prigovor mora potpisati podnosilac prigovora. Ako je podnosilac prigovora politička stranka ili koalicija, prigovor potpisuje predsjednik ili ovlaštenu predstavnik političke stranke ili koalicije, uz priloženo ovlaštenje.*

*Ovlaštenim predstavnikom političke stranke smatra se predsjednik općinskog organizacionog oblika političke stranke ili lice ovlašteno statutom. Ako na nivou općine nije formiran općinski organizacioni oblik političke stranke, ovlaštenim predstavnikom smatra se predsjednik organizacionog oblika stranke neposredno na višem nivou. Ovlaštenim predstavnikom koalicije smatra se predsjednik općinskog organizacionog oblika jedne od političkih stranaka članica koalicije ili lice ovlašteno statutom.*

*Prigovor se dostavlja bez odgađanja svim stranama navedenim u prigovoru. Strane navedene u prigovoru mogu se u roku od 24 sata od prijema prigovora, u pisanom obliku, izjasniti o navodima prigovora. Nadležni organi mogu odrediti saslušanje strana.*

*Centralna izborna komisija BiH utvrđuje proceduralna uputstva za rješavanje po prigovorima podnesenim izbornim komisijama.*

*Prigovor koji je prema članu 6.2. ovog zakona podnijelo neovlašteno lice, ili je prigovor podnesen nepravovremeno ili je nepotpun, odbacuje se.*

*Prigovor će biti odbačen i ako se ne može utvrditi ko je podnosilac prigovora. Podneseni prigovor, odnosno žalba u postupku zaštite izbornog prava ne odgađaju obavljanje izbornih radnji koje su propisane ovim zakonom.*

#### *Član 6.4*

*Općinska izborna komisija u svojoj općini ima prvostepenu nadležnost za odlučivanje po prigovorima uložnim zbog povreda pravila ponašanja iz Poglavlja 7., osim u slučaju povrede iz člana 7.3 stav 1. tačka 7. i člana 7.4 stav 1. tačka 3. ovog zakona, o čemu odlučuje Centralna izborna komisija BiH.*

*Općinska izborna komisija dužna je da razmotri prigovor i donese odluku u roku od 48 sati nakon isteka roka utvrđenog članom 6.3. stav 3. ovog zakona. Općinska izborna komisija dužna je o svojoj odluci odmah obavijestiti podnosioca prigovora, kao i druge strane.*

*Prigovor, koji je prema članu 6.2 ovog zakona, podnijelo neovlašteno lice, ili ako prigovor nije pravovremeno podnesen, odbacuje se.*

#### Član 6.5

Općinska izborna komisija može narediti preduzimanje mjera kojima se otklanjaju nepravilnosti na koje se odnosi prigovor iz člana 6.4 ovog zakona, što uključuje, ali se ne ograničava na dodavanje ili brisanje imena birača sa Centralnog biračkog spiska, smjenjivanje lica koje radi na registraciji birača ili u biračkom odboru, ili naređivanje određenom licu ili stranci da obustavi aktivnosti kojima se krši ovaj zakon.

#### Član 6.6

Centralna izborna komisija BiH ima prvostepenu nadležnost za odlučivanje po prigovorima uložnim zbog povreda pravila izbornog procesa, izbornih prava, Poglavlja 16. i člana 6.4 ovog zakona.

Na odluke svih izbornih komisija može se uložiti žalba Centralnoj izbornoj komisiji BiH.

Centralna izborna komisija BiH dužna je da razmotri prigovor i žalbu i donese odluku u roku od 48 sati nakon isteka roka utvrđenog članom 6.3. stav 3. ovog zakona. Centralna izborna komisija BiH dužna je o svojoj odluci odmah da obavijesti podnosioca prigovora, kao i druge strane.

Prigovor, koji je prema članu 6.2 ovog zakona, podnijelo neovlašteno lice, ili ako prigovor nije pravovremeno podnesen, odbacuje se.

Prilikom rješavanja prigovora i žalbi, Centralna izborna komisija BiH može postupati na osnovu utvrđenih činjenica ili održavati rasprave. Centralna izborna komisija BiH može dozvoliti stranama da podnesu nove dokaze ili svoje odluke zasnivati na dokumentaciji iz spisa komisija nižeg stepena.

#### Član 6.7

Centralna izborna komisija BiH, kad odlučuje o prigovorima i žalbama, ima ovlaštenja da naredi izbornoj komisiji, Centru za birački spisak ili biračkom odboru da preduzmu mjere kojima se otklanjaju utvrđene nepravilnosti. Centralna izborna komisija BiH također ima ovlaštenja da izrekne sljedeće sankcije:

1. novčanu kaznu koja ne prelazi iznos od 10.000 konvertibilnih maraka;
2. uklanjanje imena kandidata s kandidatske liste ako se utvrdi da je kandidat lično odgovoran za povredu;
3. poništenje ovjere političke stranke, koalicije, liste nezavisnih kandidata ili nezavisnog kandidata; i
4. zabranu angažiranja određenog lica za rad na biračkom mjestu, u Centru za birački spisak, u općinskoj izbornoj komisiji ili drugoj izbornoj komisiji uspostavljenoj u skladu s članom 2.21 ovog zakona.

#### Član 6.8

Ako izborna komisija smatra da je počinjeno krivično djelo koje se odnosi na izborni proces, dužna je to djelo prijaviti nadležnom tužilaštvu.

Prilikom podnošenja prijave, izborna komisija navodi i dokaze koji su joj poznati, te preduzima potrebne mjere kako bi se sačuvali tragovi navodno počinjenog krivičnog djela, predmeti kojima je ili pomoću kojih je počinjeno to djelo, i drugi dokazi.

#### Član 6.9

Apelacioni odjel Suda Bosne i Hercegovine nadležan je da rješava po žalbama na odluke Centralne izborne komisije BiH. Žalba se podnosi Apelacionom odjelu Suda Bosne i Hercegovine u roku od dva dana od dana prijema odluke Centralne izborne komisije BiH.

Žalba se podnosi preko Centralne izborne komisije BiH.

Apelacioni odjel Suda Bosne i Hercegovine dužan je donijeti odluku po žalbi u roku od tri dana od dana prijema žalbe."

POGLAVLJE 7. PRAVILA PONAŠANJA ZA POLITIČKE STRANKE, KOALICIJE, LISTE NEZAVISNIH KANDIDATA I NEZAVISNE KANDIDATE

#### Član 59.

U Poglavlju 7. naslov "Pravila ponašanja za političke stranke, koalicije, liste nezavisnih kandidata i nezavisne kandidate" mijenja se i glasi: "*Pravila ponašanja u izornoj kampanji*".

#### Član 60.

U članu 7.1 dodaje se novi stav 3. koji glasi:

*"Ako su dva ili više organizatora najavili nadležnom organu održavanje javnog skupa na istom mjestu i u isto vrijeme, pravo na održavanje javnog skupa na tom mjestu i u zatraženo vrijeme imat će organizator koji je prvi pismeno obavijestio nadležni organ o održavanju javnog skupa."*

#### Član 61.

U članu 7.2 u stavu 1. iza riječi "kandidatima" dodaju riječi: "*koji su ovjereni za učešće na izborima*".

#### Član 62.

U članu 7.4 u stavu 1. tačka 3. mijenja se i glasi:

*"3. korištenje domaćih i međunarodnih sredstava komunikacije s ciljem uticaja na birače;"*

U istom članu dodaje se stav 2. koji glasi:

*"Pod sredstvima komunikacija iz tačke 3. stava 1. ovog člana podrazumijevaju se sredstva kojima se može isporučiti zvučni, video ili tekstualni sadržaj. Takva sredstva obuhvataju, ali nisu ograničena na radio i televizijski program, štampane medije, Internet, sms poruke ili videoporuke isporučene putem mobilnih telefona itd."*

### POGLAVLJE 8. PREDsjedništvo BOSNE I HERCEGOVINE

#### Član 63.

U članu 8.1 u stavu 1. riječ "registrirani" zamjenjuje se riječima: "*upisani u Centralni birački spisak*", iza riječi "Federaciji" dodaju se riječi: "*Bosne i Hercegovine*" i riječ "registriran" zamjenjuje se riječima: "*upisan u Centralni birački spisak*".

U istom članu u stavu 2. riječ "registrirani" zamjenjuje se riječima: "*upisani u Centralni birački spisak*"

#### Član 64.

U članu 8.2 iza riječi "Predsjedništva" dodaju se riječi "*BiH*".

#### Član 65.

U članu 8.3 iza riječi "Predsjedništva" dodaju se riječi "*BiH*".

#### Član 66.

U članu 8.4 iza riječi "Predsjedništva" dodaju se riječi "*BiH*".

#### Član 67.

Član 8.5 briše se.

#### Član 68.

U članu 8.6 iza riječi "Predsjedništva" dodaju se riječi "*BiH*".

#### Član 69.

U članu 8.7 iza riječi "Predsjedništva" dodaju se riječi "BiH".

## POGLAVLJE 9. PARLAMENTARNA SKUPŠTINA BOSNE I HERCEGOVINE

### Član 70.

U Poglavlju 9. dosadašnje "Potpoglavlje A DOM NARODA PARLAMENTARNE SKUPŠTINE BOSNE I HERCEGOVINE" postaje "Potpoglavlje B", a "Potpoglavlje B PREDSTAVNIČKI DOM PARLAMENTARNE SKUPŠTINE BOSNE I HERCEGOVINE" postaje "Potpoglavlje A".

### Član 71.

U Potpoglavlju A član 9.2, 9.3, 9.4, 9.5, 9.6, 9.7, 9.8, 9.9, 9.10, 9.11. i 9.12 postaje član 9.1, 9.2, 9.3, 9.4, 9.5, 9.6, 9.7, 9.8, 9.9, 9.10. i 9.11.

### Član 72.

U članu 9.4, koji je ovim izmjenama postao 9.3, u stavu 2. riječi: "Srpski Sanski Most" zamjenjuju se riječima: "Oštra Luka", riječi: "Srpski Drvar" zamjenjuju se riječima: "Istočni Drvar" i riječi: "Srpski Kupres" zamjenjuju se riječju "Kupres".

U istom članu u stavu 3. riječi: "Srpski Brod" zamjenjuju se riječju "Brod" i riječi: "Srpsko Orašje" zamjenjuju se riječima: "Donji Žabar".

U istom članu u stavu 4 riječi: "Srpska Ilidža" zamjenjuju se riječima: "Istočna Ilidža, riječi: "Srpski Stari Grad" zamjenjuju se riječima: "Istočni Stari Grad", riječi: "Srpsko Novo Sarajevo" zamjenjuju se riječima: "Istočno Novo Sarajevo", riječi: "Srpski Mostar" zamjenjuju se riječima: "Istočni Mostar" i riječi: "Srpsko Goražde" zamjenjuju se riječima: "Novo Goražde".

### Član 73.

U članu 9.5, koji je ovim izmjenama postao 9.4, u stavu 1. riječi: "Poglavlja 4." brišu se.

U istom članu stav 2. briše se.

### Član 74.

U članu 9.7, koji je ovim izmjenama postao 9.6, u stavu 2. iza riječi "koalicije" stavlja se zarez i dodaju riječi: "koje su osvojile više od 3 % od ukupnog broja važećih glasačkih listića za područje entiteta za koji je sačinjena kompenzacijska lista."

### Član 75.

Član 9.10, koji je ovim izmjenama postao 9.9, mijenja se i glasi:

*"Ako mandat nezavisnog kandidata prestane, u skladu s odredbama člana 1.10 ovog zakona, mandat ostaje upražnjen do sljedećih redovno raspisanih izbora."*

### Član 76.

U Potpoglavlju A, koje je ovim izmjenama postalo Potpoglavlje B, član 9.1 postaje član 9.12.

### Član 77.

Član 9.1, koji je ovim izmjenama postao član 9.12, mijenja se i glasi:

*"Dom naroda Parlamentarne skupštine BiH sastoji se od 15 delegata, od kojih su dvije trećine iz Federacije Bosne i Hercegovine (uključujući pet Hrvata i pet Bošnjaka) i jedna trećina iz Republike Srpske (pet Srba)."*

### Član 78.

Iza člana 9.12 dodaju se novi čl. 9.12a, 9.12b, 9.12c, 9.12d, 9.12e, 9.12f, 9.12g, 9.12h i 9.12i koji glase:

9.12a

*"Bošnjačke, odnosno hrvatske delegate u Dom naroda Parlamentarne skupštine BiH, iz Federacije Bosne i Hercegovine bira bošnjački, odnosno hrvatski klub delegata u Domu naroda Parlamenta Federacije Bosne i Hercegovine.*

*Delegati iz reda bošnjačkog i hrvatskog naroda u Domu naroda Parlamenta Federacije Bosne i Hercegovine biraju delegate iz svog konstitutivnog naroda.*

*Delegati iz reda srpskog naroda i iz reda ostalih u Domu naroda Parlamenta Federacije Bosne i Hercegovine ne učestvuju u postupku izbora bošnjačkih, odnosno hrvatskih delegata za Dom naroda Parlamentarne skupštine BiH iz Federacije Bosne i Hercegovine.*

*Delegate u Dom naroda Parlamentarne skupštine BiH (pet Srba) iz Republike Srpske bira Narodna skupština Republike Srpske.*

*Poslanici iz reda bošnjačkog i hrvatskog naroda i iz reda ostalih u Narodnoj skupštini Republike Srpske učestvuju u postupku izbora delegata u Dom naroda Parlamentarne skupštine BiH iz Republike Srpske.*

#### 9.12b

*Izbor delegata iz reda bošnjačkog i hrvatskog naroda u Dom naroda Parlamentarne skupštine BiH vrši se odmah po sazivanju Doma naroda Parlamenta Federacije Bosne i Hercegovine, a najkasnije 30 dana od dana objere izbora u skladu s ovim zakonom.*

*Izbor delegata iz Republike Srpske u Dom naroda Parlamentarne skupštine Bosne i Hercegovine vrši se odmah po sazivanju Narodne skupštine Republike Srpske, a najkasnije 30 dana od dana objere izbora u skladu s ovim zakonom.*

#### 9.12c

*Izbor bošnjačkih, odnosno hrvatskih delegata u Dom naroda Parlamentarne skupštine BiH vrši se na način da svaka politička stranka koja je zastupljena u bošnjačkom, odnosno hrvatskom klubu ili svaki delegat iz bošnjačkog, odnosno hrvatskog kluba u Domu naroda Parlamenta Federacije Bosne i Hercegovine, ima pravo nominirati jednog ili više kandidata na listi za izbor bošnjačkih, odnosno hrvatskih delegata u Dom naroda Parlamentarne skupštine BiH.*

*Svaka lista može sadržavati više kandidata od broja delegata koji se biraju u Dom naroda Parlamentarne skupštine BiH.*

#### 9.12d

*Svaki delegat bošnjačkog, odnosno hrvatskog kluba u Domu naroda Parlamenta Federacije Bosne i Hercegovine daje jedan glas za listu kandidata za izbor bošnjačkih, odnosno hrvatskih delegata u Dom naroda Parlamentarne skupštine BiH.*

*Glasanje se provodi tajnim glasanjem u skladu s ovim zakonom.*

#### 9.12e

*Izbor delegata iz Republike Srpske u Dom naroda Parlamentarne skupštine BiH vrši se na način da svaka politička stranka ili svaki poslanik u Narodnoj skupštini Republike Srpske ima pravo nominirati jednog ili više kandidata na listu za izbor srpskog delegata u Dom naroda Parlamentarne skupštine BiH.*

*Svaka lista može sadržavati više kandidata od broja delegata koji se biraju u Dom naroda Parlamentarne skupštine BiH.*

#### 9.12f

*Svaki poslanik u Narodnoj skupštini Republike Srpske daje jedan glas za listu kandidata za izbor delegata u Dom naroda Parlamentarne skupštine BiH iz Republike Srpske.*

*Glasanje se provodi tajnim glasanjem u skladu s ovim zakonom.*

#### 9.12g

*Izborni materijal i rezultati glasanja iz čl. 9.12 d i 9.12f ovog zakona dostavljaju se Centralnoj izbornoj komisiji BiH na potvrđivanje u skladu s članom 2.9 ovog zakona i konačnu raspodjelu mandata u skladu s članom 9.5 ovog zakona.*

*Mandati se raspodjeljuju jedan po jedan po listama, u skladu s članom 9.5 ovog zakona. Osvojeni mandati dodjeljuju se prema njihovom redoslijedu na listi.*

*Ako prilikom raspodjele u skladu s članom 9.5 ovog zakona budu dobiveni identični količnici, mandat se dodjeljuje žrijebanjem.*

#### 9.12h

*Ako neko mjesto delegata u Domu naroda Parlamentarne skupštine BiH ostane upražnjeno u skladu s članom 1.10 ovog zakona, to mjesto popunjava sljedeći kvalificirani kandidat na istoj listi na kojoj je bio delegat kojem je prestao mandat.*

*Ako na toj listi nema preostalih kandidata, mandat se dodjeljuje kandidatu s najvišim količnikom s druge liste iz odgovarajućeg konstitutivnog naroda.*

*Ako nema takvog kandidata, organiziraju se novi izbori za izbor delegata iz reda odgovarajućeg konstitutivnog naroda u skladu s čl. od 9.12c do 9.12g ovog zakona.*

#### 9.12i

*Izbore u smislu ovog poglavlja (postupak kandidiranja i glasanja) provode nadležna radna tijela u Parlamentu Federacije Bosne i Hercegovine i Narodnoj skupštini Republike Srpske."*

### POGLAVLJE 10. PARLAMENT FEDERACIJE BOSNE I HERCEGOVINE

#### Potpoglavlje A PREDSTAVNIČKI DOM PARLAMENTA FEDERACIJE BOSNE I HERCEGOVINE

##### Član 79.

U članu 10.8A u stavu 2. u tački 1. stav 1. mijenja se i glasi:

*"Ako mandat izabranog nezavisnog kandidata prestane, u skladu s članom 10.8 ovog zakona, upražnjeno mjesto popunit će se iz reda političke stranke ili koalicije koja ima najveći količnik u istoj izbornoj jedinici i koja, u skladu s članom 9.8 stav 2. ovog zakona, na svojoj listi ima još kvalificiranih kandidata iz reda istog konstitutivnog naroda kao što je bio i nezavisni kandidat kojem je prestao mandat."*

U istom članu i stavu i tački stav 2. briše se, a dosadašnji stav 3. postaje stav 2.

### POGLAVLJE 11. NARODNA SKUPŠTINA REPUBLIKE SRPSKE

##### Član 80.

U članu 11.8A u stavu 2. u tački 1. stav 1. mijenja se i glasi:

*"Ako mandat izabranog nezavisnog kandidata prestane, u skladu s članom 10.8 ovog zakona, upražnjeno mjesto popunit će se iz reda političke stranke ili koalicije koja ima najveći količnik u istoj izbornoj jedinici i koja, u skladu s članom 9.8 stav 2. ovog zakona, na svojoj listi ima još kvalificiranih kandidata iz reda istog konstitutivnog naroda kao što je bio i nezavisni kandidat kojem je prestao mandat."*

U istom članu i stavu i tački stav 2. briše se, a dosadašnji stav 3. postaje stav 2.

### POGLAVLJE 14. PONOVLJENI, ODGOĐENI I PRIJEVREMENI IZBORI

##### Član 81.

U članu 14.1 riječi: "poništanja izbora" zamjenjuju se riječima: "od dana pravosnažnosti odluke Centralne izborne komisije BiH o poništenju izbora"

##### Član 82.

Član 14.3 mijenja se i glasi:

##### "Član 14.3

*Ako je neki izabrani organ raspušten, odnosno ako mu prestane mandat u skladu s ustavom i zakonom, Centralna izborna komisija BiH donosi odluku o raspisivanju prijevremenih izbora kojom se utvrđuje tačan datum održavanja izbora.*

*Prijevremeni izbori bit će održani u roku od 90 dana od dana raspuštanja izabranog organa, odnosno prestanka mandata u skladu s ustavom i zakonom.*

*Od dana raspisivanja prijevremenih izbora do dana održavanja izbora ne može proći manje od 30 ni više od 90 dana.*

*Mandat članova organa izabranih na prijevremenim izborima traje do isteka tekućeg mandata organa izabranih na redovnim izborima.*

*Centralna izborna komisija BiH provodi prijevremene izbore na način i prema postupku utvrđenom ovim zakonom za provođenje redovnih izbora.*

*Centralna izborna komisija BiH utvrđuje rokove koji su potrebni za održavanje izbora u skladu s ovim poglavljem."*

#### Član 83.

Član 14.4 briše se.

### POGLAVLJE 15. FINANSIRANJE KAMPANJE

#### Član 84.

U članu 15.1 u stavu 1. riječi: "od Izborne komisije Bosne i Hercegovine" zamjenjuju se riječima: "u Službenom glasniku BiH".

U istom članu u tački 2. iza riječi "članarini" dodaje se riječ "transparentnim".

U istom članu tačka 4. mijenja se i glasi:

*"4. ukupan iznos svih dospjelih dugovanja i ukupan iznos isplata po sljedećim osnovama: troškovi štampanja plakata i plakatiranja, troškovi štampanja predizbornih oglasa, proglašenja, saopćenja i sl. u javnim glasilima, troškovi organizacije i provođenja predizbornih skupova i troškovi štampanja, reprodukcije i slanja predizbornog materijala koji se šalje biračima; i"*

#### Član 85.

U članu 15.3 u stavu 1. riječi: "Svaka politička stranka, koalicija ili lista nezavisnih kandidata" zamjenjuju se riječima: "Svaki politički subjekt".

#### Član 86.

U članu 15.5 riječi: "sve izvještaje stavlja na raspolaganje javnosti" zamjenjuju se riječima: "osigurava javnosti pristup svim izvještajima".

#### Član 87.

U članu 15.8 riječ "potvrde" zamjenjuju se riječima: "objave ovjere" i iza riječi "mandata" dodaju se riječi: "u Službenom glasniku BiH".

U istom članu dodaju se novi stavovi 2.i 3. koji glase:

*"Izabrani član organa vlasti na svim nivoima dužan je Centralnoj izbornoj komisiji BiH podnijeti izvještaj o imovinskom stanju u periodu od 60 dana prije isteka mandata na koji je izabran, kao i u slučaju prestanka mandata u smislu člana 1. 10 stav 1. tačka 1., 3., 5., 6. i 7. ovog zakona u roku od 30 dana od dana prestanka mandata.*

*Centralna izborna komisija BiH donosi uputstva kojima se bliže određuje izgled i način ispunjavanja obrazaca iz stava 1. ovog člana i člana 15.7 ovog zakona."*

#### Član 88.

U članu 15.9 u stavu 1. riječ "prigovore" zamjenjuje se riječima: "tačnost podataka".

U istom članu stav 2. briše se.



## Član 89.

Član 15.10 mijenja se i glasi:

*"U roku od sedam dana od zaključivanja Centralnog biračkog spiska, Centralna izborna komisija BiH objavljuje broj glasača za svaku izbornu jedinicu. Taj broj je osnov za određivanje maksimalnog iznosa sredstava koji politički subjekt može potrošiti za finansiranje izborne kampanje.*

*Maksimalno dozvoljeni iznos za finansiranje troškova izborne kampanje za izbore izračunava se tako da se broj glasača u svim izbornim jedinicama u kojima politički subjekt iz stava 1. ovog člana ima kandidatsku listu ili kandidata pomnoži sa:*

- 1) 30 feninga..... za izbore za načelnika općine/gradonačelnika i za članove općinskog vijeća/ skupštine općine*
- 2) 20 feninga .....za izbore za članove kantonalnih skupština*
- 3) 30 feninga.....za izbore za članove Narodne skupštine RS i Predstavničkog doma Parlamenta Federacije BiH*
- 4) 30 feninga .....za izbore članova Parlamentarne skupštine BiH*
- 5) 30 feninga .....za izbore članova Predsjedništva BiH*
- 6) 30 feninga .....za izbore predsjednika i potpredsjednike RS*

*Za izbore iz stava 2. tačka 1. ovog člana u općinama u kojima je broj birača upisanih u Centralni birački spisak manji od 3.000 smatra se da je registrirano 3.000 birača.*

*U slučaju ponavljanja izbora u izornoj jedinici, odnosno biračkom mjestu troškovi izborne kampanje po biraču mogu iznositi do 30% troškova poništenih izbora u izornoj jedinici odnosno biračkom mjestu."*

## POGLAVLJE 16. MEDIJI

### Član 90.

POGLAVLJE 16. MEDIJI mijenja se i glasi:

*"POGLAVLJE 16. MEDIJI U IZBORNOJ KAMPANJI*

#### Član 16.1

*Mediji u BiH će pravično, profesionalno i stručno pratiti izborne aktivnosti uz dosljedno poštivanje novinarskog kodeksa, te općeprihvaćenih demokratskih principa i pravila, posebno osnovnog principa slobode izražavanja.*

#### Član 16.2

*Elektronski mediji pratit će predizborne aktivnosti i pridržavat će se principa uravnoteženosti, poštenja i nepristrasnosti.*

#### Član 16.3

*U emisijama elektronskih medija nijedan politički subjekt ne može imati povlašten položaj u odnosu prema drugom političkom subjektu.*

*Zvaničnici na svim nivoima vlasti koji su kandidati na izborima ne smiju imati povlašten položaj prema drugim učesnicima u izbornom procesu.*

*Informiranje o redovnim aktivnostima zvaničnika na svim nivoima vlasti dozvoljeno je u okviru informativnih programa elektronskih medija, bez navođenja njihove kandidature na izborima i stranačke pripadnosti, kad god se radi o aktivnostima koje proizilaze iz zakonom utvrđenog djelokruga organa kojima pripadaju.*

#### Član 16.4

*Elektronski mediji posebno će voditi računa o tome da se principi uravnoteženosti, poštenja i nepristrasnosti poštuju u informativnim emisijama, pogotovo u emisijama aktuelnih vijesti, zatim u intervjuima, te u raspravama o aktuelnim političkim temama, poput okruglih stolova i slično, koje tematski nisu u direktnoj vezi s izbornim aktivnostima političkih subjekata, ali bi mogle imati uticaj na raspoloženje birača.*

#### *Član 16.5*

*Mediji će, prilikom objavljivanja rezultata istraživanja javnog mnijenja, jasno i nedvosmisleno o tome obavijestiti javnost navodeći:*

- a) naziv institucije ili ime lica koje je naručilo i platilo istraživanje;*
- b) naziv i sjedište institucije koja je provela istraživanje;*
- c) ispitni uzorak i mogućnost odstupanja u ishodu istraživanja;*
- d) period u kojem je provedeno istraživanje.*

*Rezultati telefonskog anketiranja ili uličnih anketa, provedenih među biračima tokom izborne kampanje, neće biti prezentirani kao siguran i vjerodostojan stav određene društvene grupe, što je medij, koji provodi anketiranje i objavljuje rezultate, dužan posebno naglasiti.*

#### *Član 16.6*

*Novinari i voditelji u elektronskim medijima ne smiju u redovnim i posebnim emisijama iznositi svoju eventualnu stranačku pripadnost ili naklonost.*

#### *Član 16.7*

*Redoslijed nastupa za neposredno obraćanje političkih subjekata u posebnim emisijama utvrdit će se žrijebanjem uoči početka izborne kampanje, a u prisustvu predstavnika političkih subjekata.*

#### *Član 16.8*

*Elektronski mediji obavijestit će sve političke subjekte o terminima učešća u posebnim emisijama.*

*Jednom utvrđeni termini u emisijama elektronskih medija ne mogu se mijenjati, a nedolazak predstavnika političkog subjekta na dogovoreni termin emisije smatrat će se svojevolumnim odustajanjem od izborne promocije preko elektronskih medija.*

#### *Član 16.9*

*Elektronski mediji dužni su besplatno i u potpunosti objavljivati saopćenja i informacije Centralne izborne komisije BiH kako bi birači bili informirani o svim aspektima izbornog procesa.*

#### *Član 16.10*

*U periodu od 48 sati prije otvaranja biračkih mjesta pa do zatvaranja biračkih mjesta neće se objavljivati rezultati istraživanja javnog mnijenja u vezi s glasanjem i izborima.*

#### *Član 16.11*

*U toku 24 sata prije otvaranja biračkih mjesta na teritoriji BiH neće biti nikakvog medijskog izvještavanja o bilo kakvoj aktivnosti koja se odnosi na političku i izbornu kampanju.*

*Period izborne šutnje traje do zatvaranja biračkih mjesta.*

#### *Član 16.12*

*Elektronski mediji omogućit će pod jednakim uslovima svakom političkom subjektu plaćeno političko oglašavanje (oglas, javni pozivi, spotovi i bilo koji drugi vid promocije političkog subjekta) u periodu od 30 dana prije dana održavanja izbora.*

*Elektronski mediji osigurati će da plaćena politička oglašavanja budu jasno odvojena od preostalog programa i da ne ulaze u limit o dozvoljenom reklamnom vremenu koje je utvrdila Regulatorna agencija za komunikacije BiH.*

*Elektronski mediji će narudžbe za plaćeno političko oglašavanje zaprimiti od političkih subjekata direktno, odnosno preko pravnih ili fizičkih lica, koje politički subjekti za to ovlaste.*

*Narudžbe sa sadržajem oglašavanja moraju se elektronskom mediju dostaviti najkasnije 48 sati prije emitiranja.*

*Novčanu naknadu za usluge objavljivanja naručilac je dužan uplatiti unaprijed prema cjenovniku koji ne može biti veći od postojećeg cjenovnika marketinške usluge elektronskog medija.*

#### *Član 16.13*

*Elektronski medij ima pravo da odbije emitirati političko oglašavanje ako:*

- a) oglašavanje nije naručeno putem narudžbe u pisanom obliku;*
- b) oglas ne zadovoljava tehničke i profesionalne standarde koji su jasno utvrđeni i s kojim su pravovremeno upoznati politički subjekti, i*
- c) ako je oglas ili sadržaj oglasa protivan Ustavu ili zakonima BiH.*

#### *Član 16.14*

*Javni elektronski mediji će u periodu od 30 dana prije dana održavanja izbora ravnopravno i fer predstavljati političke subjekte i informirati javnost o svim pitanjima u vezi sa izbornom kampanjom i izbornim procesom.*

*Javni elektronski medij će u periodu od 30 dana prije dana održavanja izbora omogućiti političkim subjektima besplatan termin za neposredno obraćanje.*

*Centralna izborna komisija BiH svojim propisima utvrdit će koliko vremena se dodjeljuje političkim subjektima, termin i trajanje emitiranja i geografska područja pokrivena tim emitiranjem.*

*Javni elektronski medij omogućit će pod jednakim uslovima u periodu od 30 dana prije dana održavanja izbora plaćeno političko oglašavanje političkim subjektima u trajanju od najviše 30 minuta sedmično.*

#### *Član 16.15*

*Privatni elektronski mediji omogućit će pod jednakim uslovima u periodu od 30 dana prije dana održavanja izbora plaćeno političko oglašavanje političkim subjektima u trajanju od najviše 60 minuta sedmično.*

*Privatni elektronski mediji mogu u periodu od 30 dana prije dana održavanja izbora omogućiti političkim subjektima besplatan termin za neposredno obraćanje, ali pod jednakim uslovima za sve.*

*Na pisani zahtjev, organ nadležan za reguliranje rada elektronskih medija može izuzeti privatni elektronski medij od primjene odredbi ovog člana.*

*Odredbe stava 3. ovog člana ne odnose se na privatne elektronske medije koji emitiraju vlastiti informativno-politički program ili ga preuzimaju od drugog elektronskog medija.*

#### *Član 16.16*

*Organ za reguliranje rada elektronskih medija nadležan za provođenje zakona i propisa o medijima, nadležan je u svim slučajevima povrede odredbi o medijima u vezi s izborima koje su utvrđene ovim zakonom i drugim zakonima koji reguliraju rad medija.*

*Za rješavanje po prigovorima na povrede člana 16.14 ovog zakona nadležna je Centralna izborna komisija BiH.*

#### *Član 16.17*

*Politički subjekti svoje primjedbe na sadržaj u štampanim medijima u vezi s praćenjem izborne kampanje upućuju Vijeću za štampu.*

#### Član 16.18

*Centralna izborna komisija BiH donosi propise kojima se bliže uređuje primjena odredbi ovog poglavlja.*

### POGLAVLJE 17. IZBORNI POSMATRAČI

#### Član 91.

U članu 17.2 stav 1. mijenja se i glasi:

*"Posmatrači, u toku posmatranja izbornog procesa, neće ometati izborne aktivnosti i poštivat će tajnost glasanja. Posmatrač može imati po jednog predstavnika istovremeno na javnom sastanku izborne komisije, u centru za registraciju birača, centru za brojanje, biračkom mjestu ili drugim relevantnim mjestima, kako je utvrdila Centralna izborna komisija BiH."*

U istom članu dodaje se novi stav 2. koji glasi:

*"Ograničenje broja posmatrača iz stava 1. ovog člana ne odnosi se na međunarodne posmatrače."*

Dosadašnji stav 2. postaje stav 3.

#### Član 92.

Član 17.9 mijenja se i glasi:

#### *"Član 17.9*

*Posmatrač može stavljati obrazložene primjedbe na rad organa nadležnih za provođenje izbora utvrđenih ovim zakonom u pisanom obliku koje se prilažu u zapisnik o radu organa nadležnog za provođenje izbora, na osnovu čega politički subjekt može uložiti prigovor nadležnom organu.*

*Posmatrač ima pravo zahtijevati prijepis zapisnika o radu organa nadležnog za provođenje izbora čiji rad je posmatrao."*

#### Član 93.

Iza člana 17.9 dodaje se član 17.10 koji glasi:

#### *"Član 17.10*

*Zbog kršenja odredbe člana 17.2, akreditiranom posmatraču organ koji je izdao akreditaciju može oduzeti svojstvo posmatrača i poništiti akreditaciju.*

*Centralna izborna komisija BiH donosi bliže propise o uslovima i proceduri primjene ovog člana."*

### POGLAVLJE 20. PRIJELAZNE I ZAVRŠNE ODREDBE

#### Član 94.

Član 20.1 briše se.

#### Član 95.

Član 20.3 briše se.

#### Član 96.

Član 20.4 briše se.

Član 97.

Član 20.5 briše se.

Član 98.

Član 20.6 briše se.

Član 99.

Član 20.7 briše se.

Član 100.

Član 20.10 briše se.

Član 101.

U članu 20.11 stav 2. briše se.

Član 102.

U članu 20.13 stav 1. mijenja se i glasi:

*"Dok entiteti ne osnuju višečlane izborne jedinice, važe sljedeće višečlane izborne jedinice:"*

U istom članu u stavu 2. riječi: "9.6 do 9.9" zamjenjuju se riječima: "9.5 do 9.8".

U istom članu u stavu 18. riječi: "Srpski Sanski Most" zamjenjuju se riječima: "Oštra Luka".

U istom članu u stavu 19. riječi: "Srpski Drvar" zamjenjuju se riječima: "Istočni Drvar" i riječi: "Srpski Kupres" zamjenjuju se riječju "Kupres".

U istom članu u stavu 20. riječi: "Srpski Brod" zamjenjuju se riječima: "Brod".

U istom članu u stavu 21. riječi: "Srpsko Orašje" zamjenjuju se riječima: "Donji Žabar".

U istom članu u stavu 22. riječi: "Srpska Ilidža" zamjenjuju se riječima: "Istočna Ilidža", riječi: "Srpski Stari Grad" zamjenjuju se riječima: "Istočni Stari Grad" i riječi: "Srpsko Novo Sarajevo" zamjenjuju se riječima: "Istočno Novo Sarajevo".

U istom članu u stavu 23. riječi: "Srpski Mostar" zamjenjuju se riječima: "Istočni Mostar", riječ "Srbinje" zamjenjuje se riječju "Foča" i riječi: "Srpsko Goražde" zamjenjuju se riječima: "Novo Goražde".

Član 103.

Član 20.16 briše se.

Član 104.

U članu 20.16A u tački 10. riječi: "Hercegovačko-bosanski kanton" zamjenjuju se riječima: "Kanton 10".

Član 105.

Ovlašćuju se ustavno-pravne komisije oba doma Parlamentarne skupštine Bosne i Hercegovine da u roku od 30 dana od dana stupanja na snagu ovoga zakona utvrde prečišćeni tekst Izbornog zakona Bosne i Hercegovine".

Član 106.

Ovaj zakon stupa na snagu osmog dana od dana objavljivanja u "Službenom glasniku BiH, a objavit će se i u službenim glasilima entiteta i "Službenom glasniku Brčko Distrikta BiH".

---

PSBiH broj 286/06  
27. marta 2006. godine  
Sarajevo

---

---

Predsjedavajući  
Predstavničkog doma  
Parlamentarne skupštine BiH  
dr. **Nikola Špirić**, s. r.

---

Predsjedavajući  
Doma naroda  
Parlamentarne skupštine BiH  
**Mustafa Pamuk**, s. r.